

ADORASAUN – “FÓ HEMU HA’U”

Knananuk espozisaun: Nu’udar rusa

Ref: Ha’u buka Ita, oh Na’i, ha’u nia Na’i nu’udar rusa ida buka bee-matan (2x)

1. Na’i, haraik Ita naroman mai ha’u, hatudu dalan ba Ita atan hodi lori hau ba Ita foho santu, ba Ita-nia kadunan
2. Ha’u-nia klamar hamrook Maromak moris, ha’u klamar buka hasoru Nia; Oh, bainhira ha’u sei bá hela iha Maromak futar oin.



G: “Fó hemu mai ha’u”, Jezús nia lia-husu ba feto Samaria nian ne’ebé halo nia hakfodak tebes, liuliu tanba Jezús ko’alia kona-ba bee moris nian ne’ebé bele halakon ninia hamrook no sai ba nia “bee-matan ne’ebé suli ba moris rohan-laek”. Kristu nia hamrook mak odamatan ida atu to’o ba mistériu Maromak nian, ne’ebé hamrook atu halakon ita-nia hamrook, ne’ebé sai kiak atu halo ita sai riku. Maromak hamrook ba ita-nia fiar no ita-nia domin.

MOMENTU 1: HAMROOK

Leitura: João 4,1-10

«Wainhira Na’i hatene katak farizeu sira rona katak Jezús simu no sarani eskolante barak liu fali João; maski la’os Jezús mak sarani, maibé nia eskolante sira, Nia husik Judeia hodi fila fali ba Galileia. Nia tenke la’o liu husi rai Samaria. Ne’e duni, Nia to’o iha Samaria nia sidade ida, naran Sikar, besik to’os ne’ebé Jacob uluk fó ba nia oan Jose. Jacob nia bee-matan iha ne’ebá. Jezús la’o kole ona; tan ne’e, Nia tur iha bee-matan nia sorin. Loron besik fahe rua ona. Feto Samaria nian ida mai kuru bee. Jezús dehan ba nia: “Fó be mai Ha’u”.Eskolante sira ba iha sidade atu sosa aihan. Feto ne’e hatan ba Nia: “Oinsa mak Ó, ema Judeu ida husu be husi ha’u, ema Samaritana ida?” Tanba Judeu ho Samaritanu sira hare malu la diak. Jezús simu hodi dehan: “Ó hatene karik Maromak nia prezente, no sé loos mak dehan ba ó‘Fó be mai Ha’u, ó mak sei husu ba Nia, Nia sei fó bee moris ba ó”».

L1: Jezús mesak, kolen tan viajen naruk: nune’e mak nia para iha bee-matan. Kolen ida-ne’e halo atu sai posivel atu realiza enkontru ne’ebé muda feto Samaria nia moris.

Enkontru ne’e marka ho inkomprensaun barak: pergunta no resposta sira ne’ebé la han malu. Maibé Jezús mak gia diálogo ne’e. Jezús halo atu feto ne’e bele deskobre ninia fuan nia aspirasaun ka espetativa loos sira; halo atu nia fó naran ba hamrook ne’ebé loroloron lori nia ba bee-matan. Jezús halo Samaritana sai konxiente kona-ba “hamrook” ne’ebé kontinua haterus nia: hamrook ba sentidu, hamrook ba domin, ba perspetiva ida moris nian... ne’ebé dura ba nafatin.

Invokasaun

Ita hatán hodi hananu: *Hamlaha, hamrook, ami liman, ain kole atu ba hasoru Ita Boot.*

Ita Boot nu’udar Isin no Raan mak fó nia kbiit mai ami.

- Ami-nia fuan hamrook ba ita-nia justisa, dalahira mak notisia sira ko’alia kona-ba funu iha nasaun sira nia laran no funu entre nasaun sira, oho malu, vingansa. Na’i haraik ba mundu hamrook ba ita-nia justisa divina no la’ós ida ema nian.
- Na’i halo atu ema hotu sira hasoru Ita no halakon sira-nia hamrook ba pontu firme ida, liuliu ba foin-sa’e sira ne’ebé iha kuak naruk droga no álkoool nian, no prostituisaun.
- Na’i, ba ema hotu ne’ebé hamrook ba domin no la hetan bee-matan ne’ebé halakon ami-nia hamrook, halo atu sira deskobre iha Ita, Bee-Matan ida mesak Bee Moris nian.
- Na’i, ami harohan atu ami-nia hamrook ba santidade nakfilak ba asaun konkreta iha mundu ne’e’ebé ami simu bolun atu fó sasin kona-ba ita-nia domin.

Silénsiu

MOMENTU 2 – ENKONTRU

Leitura: Jo 4,11-15

«Feto dehan ba Nia: “Na’i, Ita kanaban la iha, bee-matan mós kle’an; ita nia bee moris mai husi ne’ebé? Ita kala boot liu fali ami nia aman Jacob ne’ebé fó bee-matan ne’e mai ami? Nia rasik hemu, nia oan sira, nia balada sira mós hemu.” Jezús hatán

ba nia: “Ema ne’ebé hemu bee ne’e, sei hamrook fali; maibé ema ne’ebé hemu bee ne’ebé Ha’u sei fó, sei la hamrook tan, basá bee ne’ebé Ha’u fó ba nia sei sai iha nia nu’udar be matan ne’ebé suli ba moris rohan laek.” Feto ne’e dehan: “Na’i, fó bee ida-ne’e mai ha’u, atu ha’u keta hamrook, nune’e ha’u lalika mai tan kuru be iha ne’e” ».

L2: Jezús nia enkontru ho feto Samaria nian dehan mai ita katak Na’i bele muda ita-nia moris: Jezús hein feto Samaria ne’e iha bee-matan, husik atu feto ne’ebé okupada ho ninia serbisu loroloron nian hasoru Nia. Feto Samaritana ne’e nunka imajina katak nia sei hasoru Mesias iha loron baibain ida. Ida-ne’e atu hateten katak esperiénsia fiar nian iha Maromak nia liman de’it, Maromak mak dirije ita-nia moris, troka mós ita-nia planu sira. Ho Maromak fiar sai sorprendente.

Knananuk: All to Jesus I surrender

All to Jesus, I surrender; All to Him I freely give;
I will ever love and trust Him, In His presence daily live.

Refrain: I surrender all, I surrender all,
All to Thee, my blessèd Savior, I surrender all.

All to Jesus I surrender; Humbly at His feet I bow,
Worldly pleasures all forsaken; Take me, Jesus, take me now.

All to Jesus, I surrender; Make me, Savior, wholly Thine;
Let me feel the Holy Spirit, Truly know that Thou art mine.

All to Jesus, I surrender; Lord, I give myself to Thee;
Fill me with Thy love and power; Let Thy blessing fall on me.

Silénsiu

MOMENTU 3 - ISTÓRIA

Leitura: Jo 4,16-26

«Jezús dehan ba nia: “Bá bolu ó-nia laen, hafoin fila mai iha ne’e.” Feto hatán: “Ha’u la iha laen.” Jezús dehan: “Ó dehan loos, ó la iha laen; basá ó iha laen lima, no ida ne’ebé hela ho ó daudaun ne’e la’ós ó-nia laen. Kona-ba ne’e, ó hateten loos.” Feto hatán: “Na’i, ha’u haree katak Ita profeta ida. nia bei-ala sira adora iha foho ne’e; imi dehan fali katak iha Jerusalém mak ema sei adora.” Jezús dehan teni: “Feto, fiar Ha’u: loron sei to’o mai wainhira imi sei adora Aman la’ós iha foho ne’e, la’ós mós iha Jerusalém. Imi adora buat ne’ebé imi la hatene, ami adora buat ne’ebé ami hatene, basá maksoin mai husi Judeu sira. Maibé loron sei mai, loloos mai tiha ona, wainhira ema ne’ebé adora loloos sei adora Aman tuir espíritu no lia-loos: tanba Aman hakarak atu ema adora Nia nune’e. Maromak mak espíritu, no sira ne’ebé adora Nia sei adora tuir espíritu no lia-loos.” Feto hateten ba Nia: “Ha’u hatene katak Mesias sei mai, ida be naran Kristu; wainhira Nia mai, Nia sei hanorin buat hotu-hotu.” Jezús hatán: “Ha’u rasik mak ko’alia ho ó”».

L3: Na’i mai hasoru ema iha ninia okupasaun loroloron nian, iha simplisidade moris baibain nian; Maromak hasoru ema nu’udar ema ida ne’ebé kole, hamrook no husu bee atu hemu. La’ós fasil rekoñese Maromak iha mane ida ne’ebé kole no husu tulun; feto ninia disponibilidade atu tama iha diálogo ho Nia, atu hatán ba ninia pedidu no ninia provokasaun sira mak halo posível atu deskobre iha mane la’o-rai no kolen ne’e nu’udar Mesias.

Maromak halo an ba ema manifesta an mai ita iha ita-nia moris loroloron nian: iha viajen, iha hamrook, iha lurón, iha susar, iha frajilidade, iha neseseidade sira... No buat sira-ne’e hotu mak fó valór boot liután ba ita-nia humanidade, ne’ebé Na’i mai atu partilla totalmente, iha ninia dimensaun frakeza nian liu mós.

Invokasaun

Ita repete hamutuk: **Hakonu ami-nia moris ho Ita, Na’i.**

- Na’i, foti ha’u-nia fuan nakonu ho esperansa, no halo nia sai pasiente atu hein.
- Na’i, foti ha’u-nia hanoin atu ha’u aprende buka lia-loos.
- Na’i foti ha’u-nia vontade moris nian, halakan nia ho fiar, esperansa no domin.
- Na’i, foti ha’u-nia istória no halo nia sai projetu domin nian.
- Na’i foti ha’u-nia liman sira no halo sai instrumentu Ita-nia damen nian.
- Na’i foti ha’u-nia tempu, atu ha’u sai pronta/u nafatin ba loron aban nian.
- Na’i foti ami bá, no halo ami sai Ita-nia família, atu lori Ita ba fatin hotu iha mundu.

Silénsiu

MOMENTU 4 – BEE MORIS

Leitura: Jo 7,37-39

«Jezús hamriik hodi hateten ho lia maka'as: “Ema ne'ebé hamrook, mai hakbesik Ha'u hodi hemu! Ema ne'ebé fiar Ha'u, nu'udar eskritura hateten tiha: ‘Husi nia fuan sei suli mota bee moris nian.” Nia dehan ne'e kona-ba Espíritu ne'ebé sei haraik ba sira ne'ebé fiar Nia. Espíritu seidauk fô ba ema, tanba Jezús ladauk simu gloria».

L4: “Ema ne'ebé hamrook, mai hakbesik Ha'u hodi hemu”; Jezús nia liafuan sira-ne'e mak konvite furak ida, se ema ruma hamrook... hamrook ba domin, hamrook ba ksolok, hamrook ba imortalidade, hamrook ba moris, “hakbesik mai ha'u”. Saida mak halakon hamrook? Bee moris nian! Bee moris nian mak Espíritu Santu, ninia Liafuan, ne'ebé fô sentidu ba moris. Feto Samaria nian hasoru Jezús no enkontru ne'e muda nia moris. Ita mós husu: “Na'i, fô bee ida ne'e mai ha'u, atu ha'u keta hamrook tan”. Na'i hatene ita-nia fuan no ita-nia hamrook. Nia sei nakfilak ita-nia moris iha bee-matan ne'ebé suli ho bee moris nian.

Knananuk: Non sei più tu che cerchi me (RnS)

Non sei più tu che cerchi me
Ma sono io che oggi ho scelto te
Io ti darò da bere al cuore mio
Un'acqua viva io ti donerò
E come fonte che zampillerà
La vita eterna in te sarà



Rit:

Vieni Samaritana
Bevi Samaritana
Credi Samaritana
Mi adorerai in Spirito e verità
(Vieni Samaritana)
(Bevi Samaritana)
(Credi Samaritana)
(Mi adorerai in Spirito e verità)

Non sei più tu che cerchi me (che cerchi me)
Ma sono io che oggi ho scelto te (io che ho scelto te)
Conoscerai un nuovo amore che
Non si consuma, ti disseterà
Io che ti parlo sono il tuo Messia
(Se crederai) se crederai, (la vita eterna) la vita in te sarà

Silénsiu

MOMENTU 5 - SASIN

Leitura: Jo 4,27-30.39-42

«Iha oras ne'ebá eskolante sira to'o mai ona. Sira hakfodak tan haree Jezús ko'alia ho feto ida; maibé sira ida la husu ba Nia “Ita hakarak saida?” eh “Tan sá ita ko'alia ho nia?” Husik tiha kanaban, feto ne'e halai ba sidade, hodi hateten ba ema sira: “Imi mai haree ema ne'ebé hateten mai ha'u buat hotu ne'ebé ha'u halo. Nia mak Mesias karik?” Ne'e duni, sira sai husi sidade, hodi bá haree Jezús. Ema Samaritanu barak husi sidade fiar Jezús tanba feto dehan: “Nia dehan buat hotu ne'ebé ha'u halo.” Tan ne'e, wainhira sira mai haree Nia, sira husu ba Nia atu hela hamutuk ho sira. Nia hela duni loron rua. Ema barak liután fiar tanba nia liafuan. Sira dehan ba feto ne'e: “La'ós tanba buat ne'ebé ó dehan, mak ami fiar; ami rasik rona no hatene katak, loos duni, Nia mak mundu nia Maksoin”».

L5: Depoizde enkontru ho Na'i, feto Samaria nia moris la hanesan ona uluk nian. Husi dixípula nia sai apóstola, misionária kona-ba esperiênsia estraordinária ne'ebé nia foin halo.

Ninia esperiênsia dehan mai ita katak la'ós difisil sai misionária, bainhira ita halo enkontru loos ho Na'i no ita husik Nia kona ita-nia fuan.

Invokasaun

Na'i, ba ita-nia apóstolu sira ita dehan: “Imi bá mundu tomak no ha'u sei horik ho imi to'o mundu nia rohan...». Ne'e mak mandatu misionáriu mai ami ida-idak mós.

Ita hatán ba invokasaun ida-idak hodi hananu:

Be not afraid, I go before you always, Come follow Me, and I will give you rest.

- Bainhira ami duvida no ami ta'uk, bainhira ami la hatene saida mak atu dehan ka saida mak atu halo, bainhira ami la iha vontade, la iha insiativa, Ita-nia Espíritu fó hanoin mai ami: **Ref**

- Bainhira ema la rona ami, bainhira ema rejeita ami no la fiar katak Ita haruka ami, bainhira ema despreza ami no hamoe ami, Ita-nia Espíritu fó hanoin mai ami **Ref.**
- Bainhira ami sente ami sente lakon iha mundu ida ne'ebé la tuir ita-nia dalan, bainhira ami la fiar katak ami-nia devér mak haklaken Evanjellu, Ita-nia Espíritu fó hanoin mai iami: **Ref.**
- Bainhira ami sente tentasaun atu halai dook husi Ita no fila kotuk ba misaun ne'ebé Ita fó mai ami, Ita-nia Espíritu fó hanoin mai ami: **Ref.**

G: Ita remata ita-nia orasaun hodi hahí Maromak ho Maria, feto Magnificat nia knananuk.

MAGNIFICAT (Kairoi)

Proclama mi alma la grandeza de Dios, se alegra mi espíritu en Dios, mi Salvador.
Porque ha mirado la humildad de su sierva. Desde ahora me felicitarán todas las generaciones.

*Porque el Poderoso ha obrado y hace maravillas en nosotros.
Grande es su amor, para todos; grande es su amor y por siempre; grande es su amor, uh...*

2. Hace proezas con su brazo, dispersa a los soberbios y con todo el corazón ensalza a los humildes, llena de bienes a los pobres. Su promesa por siempre durará, como dijo a nuestros padres.

Orasaun finál:

Maromak Aman laran-luak, Aman laran-di'ak tebes, simu ami-nia orasaun no leno ho Ita-nia domin ami-nia espíritu nia profundidade nune'e ami ne'ebé ita bolu ba moris rohan-laek, ami bele sai livre husi rezisténsia no ta'uk hotu. Ita be moris no ukun ho Aman Maromak hamutuk ho Espíritu Santu. Amén.

Knananuk finál: Graças Te damos

*Graças Te damos, Senhor, de todo o coração.
Graças Te damos, Senhor. Cantamos teu louvor.*

A teu nome daremos graças, / porque é grande o teu amor.
Invoquei-Te e me escutaste, / aumentaste o vigor da minha alma.

Estendes tua mão e me salvaste, / para sempre Tu serás o meu auxílio.
Teu amor, Senhor, é eterno, / não desprezes a obra que criaste.